


Mahlatse a magolo



SEPEDI

Kgato
ya:

2

Puku ya

1



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tlilego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tlotlontšu ye mpsha (lebelela lenaneo la tlotlontšu ye mpsha kua bokagareng bja letlakala la mafelelo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhaologanyo tseo di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlwa ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tlotlontšu.
- E re barutwana ba ngwale mešongwana ya dihlopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)



*E re barutwana ba diragatše diteng
tša sengwalwa ge go kgonega.*



*Barutwana ba swanetše go dira mešongwana
ye e theilwego godimo ga go bala ka dihlopha
ka morago ga ge ba badile. E re barutwana
ba šome ka dihlopha go ngwala mešongwana
ya maleba ya go bala ka dihlopha yeo e lego
kua mafelelong a puku. Ba se ke ba ngwala
ka pukung ye. Mešongwana ya go ngwalwa e
swanetše go ngwalwa ka dipukung tša bona tša
go ngwalela.*

Mahlatse a magolo



Mantšiboa a mangwe a borutho,
mohlokomedi wa serapa sa diphoofolo
o ile a notlela dihoko tša diphoofolo ka
moka pele a eya gae.

"A e beng boroko, diphoofolo! Ke tla
boa ka moso wo o latelago," a realo a
dutše a notlela hoko ya tšhwene.

"A e be boroko," Morena Tšhwene a
araba, a dutše a swamola dinotlelo mo
lepanteng la mohlokomedi wa serapa
sa diphoofolo, ka tlhokomelo.

"Jo! Ke lapile bjang!" mohlokomedi wa
serapa sa diphoofolo a realo.

"Ke thabile ka gore ke nako ya go ya
gae. Ke swerwe ke tlala, gomme ke
hlologetšwe go ja dijo tša dilalelo le ba
lapa la ka."



Fela ge mohlokomedi wa serapa
sa diphoofolo a tloga a eya gae,
Morena Tšhwene o ile a ya go hoko
ye, a ya le go ye e latelago, a notlolla
diheke.

"Mohumagadi Kubu, wee!" a realo ka
lethabo, "Etšwa, ke nako ya moletlo!"

"Dumela, Morena Tau," tšhwene ya
realo. "Etšwa, etlang re ketekeng!"

Diphoofolo di ile tša hwenahwena
ka lethabo, di thabetše go tloga mo
serapeng sa diphoofolo.

Dikgabo di bile tša mathomo go
phonyokga. Ka moka, masomepedi
a tšona di nametše ka godimo ga
legora la motato, tša ya phakeng.





Dikgabo di ile tša thaba ge di hwetša tafola ye e tekilwego go lokišeditšwe moletlo wa letšatši la matswalo leo le tlilego go ketekwa letšatši le le latelago. Dikgabo di ile tša ja dijo tšela di lokišeditšwego moletlo wa Tumišo. Di ile tša bapala godimo ga melekramo le meswinking.



Ka yona nako yeo, monna wa go diša
phaka o ile a tsoga borokwaneng
bjoo a ilego a bo re pšha! O ile a
makala kudu ge a bona dikgabo tše
masomepedi di bapala mo phakeng.
"Na e ka ba ke a lora? Na se e ka ba
nnete?" A ipotšiša.

Kua morago, serapeng sa diphoofole,
Thesa, e lego khudu, o be a nanya, a
eya thokong ya heke ya serapa sa
diphoofole.

"Aowa ruri!" Thesa a nagana. "Ijoo!
Se ke mošomo wo mogolo kudu.
Ke nagana gore ke tla upša ka šala
ka mo serapeng sa diphoofole ka
khutša."

Khudu yela ya mengwaga ye 100
e be e lapile kudu gore e ka šala
diphoofole tše dingwe morago.



Hilita, e lego kubu, o ile a tšea
sephetho sa go tloga ka serapeng
sa diphoofolo a theoga ka mmila wo
mogolo a sa tsebe mo a yago.

O makaditšwe ke mašata a
dinamelwa. Go be go tletše
mašata kudu ka maatla! O ile a
tšea sephetho sa go robala ka
letangwaneng le le bego le le ka
pele ga holo ya toropo, eupša ga
se a robala gabotse ka ge a be a
no fela a phafošwa ke medumo ya
dinamelwa le dialamo tša dinamelwa
tša tšhoganetšo.



Leyo, e lego tau, o tšwile lesolo a
theoga le mmila. O be a dupadupa,
a nyaka dijo. O be a tla ja eng?

O ile a hlodimela ka suphamaketeng.

"Thušang! Thušang!" Bareki ba
goelela.

"Thušang! Thušang!" Molaodimogolo
a goelela ka mogaleng.

"Go na le tau ka lebenkeleng! Ruri!
Ke nnete!" A realo ka letšhogo.




Bubu, e lego tlou, e bile phoofolo ya mafelelo ya go tšwa ka serapeng sa diphoofolo. O ile a sepela a putlaganya toropo.

Bubu ge a dutše a sepela mo tseleng, o bone ntlo e eswa. O ile a moma meetse ka letangwaneng la go thutha, gomme a gaša ntlo. Ka pelanyana ya ba mollo o timile.

"O šomile, Morena Tlou!" gwa goelela borasetimamollo.

"Šatee!" Babogedi ba goelela ka lethabo.




Bubu o tšwetše pele ka go sepela a
putla toropo, a eya motseng.


O bone Maphoko a sepela, a etšwa
ka nokeng. O be a swere bothata ka
go rwala kgamelo ya meetse.

"Ke fela ke phuma kgamelo ya
meetse," Maphoko a realo.

"O se ke wa tshwenyega. Ke tla go
thuša go rwala meetse," Bubu a realo.

O nameditše Maphoko mokokotlong
wa gagwe gomme a moma meetse ao
a bego a ka tlatša tanka ya meetse.









Le ge go le bjalo, Jerry e lego
thutlwa, o ile a sepelela thokong ya
bokgobapuku. O ile a hlodimela ka
mafastere a pese.

"Hlokomelang!" Mootledi wa pese a
goelesa.



Ka pela, mohlakomedi wa serapa sa
diphoofolo le bathuši ba gagwe ka moka, ke
ge ba tšwile lesolo la go nyaka diphoofolo.
Maphodisa a ile a tla go ba thuša.
Dihlogotaba tša dikuranta le dipego tša
bjako tša diyalemoya di seboditše batho
ka ga tau, ka lesolo la yona la go thopa
ka mo mabenkeleng.



Ka yona nako yeo, diphoofolo ka
moka tša tšea sephetho sa go boela
ka serapeng sa diphoofolo.

"Ga go bonolo go hwetša dijo ka
toropong," tau ya realo.

"Ga ke kgone go robala ka lebaka la
lešata la dinamelwa," kubu ya realo.

"Ka mo gare ga toropokgolo go
swana le sethokgwa," tlou ya realo.



"Re ipshinne kudu kua moletlong. Bjale re lapile, gomme re nyaka go ya gae," dikgabo tša realo. Morena Tšhwene, yoo a bego a swere dinotlelo, o ile a bula heke gore diphoofolo di boele ka serapeng sa diphoofolo. "Mmalo! Bjale ke a tseba gore go diregile eng ka dinotlelo tša ka!" Gwa realo mohlakomedi wa serapa sa diphoofolo.

Mešongwana ya go bala ka dihlopha



1

- Lebelela diswantšho tše.
- Botša mogwera wa gago seo se diregago seswantšhong se sengwe le se sengwe.
- Botša mogwera wa gago gore tatelano ya maleba ya diswantšho tše ke efe, go thoma ka sa mathomo go fihla ka sa mafelelo.
- Botša mogwera wa gago kanegelo gape ka go šomiša diswantšho.
- Botša mogwera wa gago ge eba o ratile kanegelo goba ga se wa e rata. Efa lebaka la karabo ya gago.



2

Diragatša kanegelo.



3

Nyalanya tshwantšhanyo ye nngwe le ye nngwe le phoofolo ya maleba.



4

Araba dipotšišo tše ka go bolela, wena le mogwera wa gago.

- Efa leina la kanegelo ye.
- Baanegwathwadi ke bomang mo kanegelong?
- Ke diphoofolo dife tšeo di ipshinnego kudu?
- Ke phoofolo efe yeo e nago le maitshwaro a go kgahliša?
Ke ka lebaka la eng o nagana bjalo?
- O nagana gore go be go tlile go direga eng ge diphoofolo di ka be di se tša boela ka serapeng sa diphoofolo?



Ke yo motelele bjalo ka

O na le kgang bjalo ka

O ikgantšha bjalo ka

O homotše bjalo ka

O kgwahlile bjalo ka

O rata dithotse bjalo

O befile bjalo ka

O rata maswi bjalo ka

phikoko

nku

tšhwene




poo

mogokolodi

katse

thutlwa


legotlo






5

Thala mmepe wo wa monagano ka
pukung ya gago ya go ngwalela,
gomme o o feleletše.



Baanegwathwadi:

Mathomong go direga eng?



Hlogo:


Go direga eng mo
bogareng?

Go direga eng
bofelong?



6

Šomiša mmepe wa gago wa
monagano gore o go thuše go
ngwala kanegelo ka mantšu a gago.
Ngwala mafoko a 6–8.



LELEME LA GAE MPHATO WA 3



Puku ya 1

<i>Hlogo:</i>	Mahlatse a magolo
<i>Leleme:</i>	Sepedi
<i>Kgato ya:</i>	Puku ya go bala Mphato wa 3 Kgato ya 2 Puku ya 1
<i>Mohuta wa sengwalwa:</i>	Kanegelo
<i>Mantšu a tlwaelo:</i>	pele ga, fetola, ka ga, sephetho, goelela, nagana, thoko, sepelela, putla, tseba
<i>Tlotlontšu:</i>	phonyokga, mohlokamedi wa serapa sa diphoofolo, lesekhurithi, makala, tšhoganetšo, suphamakete, bareki, babogedi, bathuši
<i>Medumo:</i>	<ul style="list-style-type: none"> Mantšu a go ngwalwa go swana eupša a fapana ka tlhalošo, mohlala: fihla, hlogo, letlakala, sekolo, letswele Modumo wa ditlhakapedi, mohlala: kh (khudu), ts (tsebe), hl (hlapi), kg (kgomo), tl (tlala) Mantšu a go ba le dikatumanoši tše: y le w. Mohlala: wena, wona, yena, yona
<i>Diteng, mareo le mabokgoni:</i>	<ul style="list-style-type: none"> Go bolela ka ga diswantšho. Go latelanya diswantšho ka tatelano ya maleba. Go bolela kanegelo gape ka go šomiša diswantšho. Go ntšha maikutlo ka ga kanegelo. Go diragatša kanegelo. Go ngwala tshwantšhanyo. Go bala le go araba dipotšišo tše di theilwego godimo ga tekatlhaologanyo. Go thala le go feleletša mmepe wa monagano wo o lego mabapi le kanegelo. Go ngwala kanegelo ya mafoko a 6-9 ka mantšu a gago.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kwešišo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa', tekatlhaologanyo le mešongwana ye mengwe ya go thuša barutiši gore ba kgone go hlahlwa go bala ka sehlopha ka diphapošing tša bona.

ISBN 978-1-4315-2510-2



9 781431 525102



ISBN 978-1-4315-2510-2

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dipuku tše dingwe tša
Leleme la gae tša Mphato
wa 3 Rakeng ya dipuku:**

Kgato ya:

1

**Mmutla Ramahlajana o
jeletša Morena Sejato**

Mahlagahlaga a ka lewatle

Lethabo ka khitšhing

**Pukutšatši ya ngwana
wa go ngongorega**

Kgato ya:

2

Mahlatse a magolo

**Lehono Maphoko ga
se a hlwa gabotse**

**Mafelelo a beke ao nka
se a lebageo**

Kgato ya:

3

**Go na le kgokomodumo
ka khapotong ya ka**

**Taba ya dikuku tše
di timetšego**

Go a makatša, eupša ke nnete